

重修天津府志卷四十四

人物四

國朝

目錄 馬鳴蕭 青縣

陳元璐

姚廷佐

孫維甯

張泰來

姚命禹

張猴公

姚景圖等

楊爾敬

楊芳春

姚應虞

姚溥

尹天佑

姚諱

姚大謙

戴雲錦

朱煌

馬震

戴栴

李鄧林

費蔭樸

張邦達

重修天津府志

卷四十四

人物

一光緒丙午

戴元瑞

李承謨

閻氏三孝子

劉兆麟

邵廷瑩

陳煦

黃廷葵

楊世綦

趙廷熙

李作哲

戴雲鸞

吳振先

馬思敬

高爾修

靜海縣

蕭正埏

王士麟

郭允昌

高恆懋

弟恆豫

高緝睿

勵杜訥

牛天宿

勵廷儀

毛起鴻

牛思任

勵宗萬


元展成

佟大任

牛思凝

元克中

張宗榜



袁正己

牛曾若

高肇培

郭長齡

杜剛

蕭士範

劉永和

李世銘

閻應極

李萬清

張慶元

杜其旋

毛士

毛典

毛直

張夢蓮

牛曾詔

劉潤

牛廣士

蕭重

劉秉心

何永貴

孫煥翔

鄭廉善

張大壯

侯清泰

侯元泰 侯元

輝 侯元會

杜麟孫

高崇基

劉仲篴

王榮第

劉伯壘

重修天津府志

卷四十四

人物

二 光緒丙午

牛漢冲

馬保恆

王者瑞

王者龍 王夢臣

常富禮

劉學文

字日朗

高義輔

劉蔭楠

任兆乾

徐二喜

劉天順

宋慶泰

邊國幹

袁正瑞

劉湧濤

朱善繼

朱鼎

滄州

呂纘祖

楊肩昌

張文元

子琦

張文亨

劉慶藻

戴王綸

弟王縉

呂祖望

宋起鳳

李人龍

李經國

傅廷俊

劉大謨

于一龍

祝昌齡

龐襄

王應命

白斌

劉若鼐

弟若薰

衛正身

吳中衢

李一鰲

衛其傑

張爾銳

呂肅

子明閻

子士弘

賂遇臬

樊世翼

衛瓌

子封濟

孫大謨

張延緒

劉果實

湯永寬

提錄

潘班

王廷鏞

衛璠

弟瑛

李瑤

劉漢弼

劉驊良

劉駟良

臧人傑

李泰鳳

田霽

吳道亨

重修天津府志

卷四十四

人物

三

光緒戊戌

劉成

張濬

戴寬

弟寅

閻士傑

孫讜

左方燾

張遇泰

張懷成

樊奇遇

張機

張栩

孫璿

弟琚

纒

吳道純

段大業

李顯宏

王夢篆

弟夢簡

王遇倫

宋三治

于映斗

子更閻

李度

于三友

劉濤

李之崢

李之擘

宋瑋

張逢堯

左基

藍美林

劉蘭德

龐宣德

陳奉敕

孫纒祖

况名世

王棣

徐世祿

鄒成

張光潛

胡金誠

石璞 吳傑 李重光 呂長泰 姜昌

劉受材

弟受福

程英

朱泚

李某

呂伯龍

傅育吾

王作

劉興秀

張光輝

張一起 等

柴萬鍾

馬士驥

王廷璧

袁浩

李廷揚

吳沂

劉鶴鳴

李鐘蓮

吳元輔

于杰

弟楹

橫

戴唯

楊華清

王峰嵐

龐學寬

重修天津府志

卷四十四

人物

四光緒戊戌

苗聯第

井清壁

王豹

李廷敬

葉汝蘭

弟汝芝 孫圭祥

張槐

王樞

蔣麟文

張廷弼

李肄頌

祝掄元

張祖璣

董友筠

王式和

周師望

劉仲珪

戴儒宗

張伯謙

張化醇

張廷芝

李蔚林 戴志誠

戴中興 宋吉祥

張樹本

王晉康

葉濟英

葉圭書

劉子城

于光甲

楊琳

于中熹

王吉甫

郭某

郭九

吳大用 袁敬亭 張靜堂

閻二 宋恩命 王棠

于文炳 萬紹曾 頓六

李某 林二 楊天德

孫廷諮 李復白 楊千祥

杜詠南 任兆乾 王廷莪

王夢成 劉清樑 董清標 王大慶 馮養靜

呂中簾 郭開基 蘭之清 張稅棠

竇紹奎 程毓藻 楊清 滕德厚 于昌耀 劉伯蒸

聶守亮 吳兆魁 袁澍

重修天津府志 卷四十四 人物 五 光緒戊戌

趙璧 楊允達 高恆足

邢秉坤 張慶 孫模山

王際期 張賜甯 子百祿 孫德有

王桐 孫益謙 王國鈞 李錫章

楊岷源

青縣

蔡啟盛案縣志兩部均未精覈又值權令不任采訪如崇祀姓名再三致詰不得其諸無徵可知矣夫青大邑也顧傳人特少豈降才爾殊哉莫為之後良可慨耳來者可追尙勉紀之

馬鳴蕭字和鑾順治乙酉舉人四年進士官浙江湖州

府推官辛卯分校十一年內授工部主事 前志 監修

乾清宮暴身烈日中得

賜御用雨蓋又表裏銀馬有差後監督蕪湖關抽分溢額
二萬一千六百餘兩商民懷之立去思碑陞員外
郎三年告歸優游林泉惟嗜吟詠人服其清尙著

有惕齋詩草一卷

津門詩鈔

陳元璐授湖廣寶慶府通判陞廣西平樂府同知
經畧洪承疇嘉其才特委監軍入山進剿勞成疾
卒於軍廕一子

前志

姚廷佐字公良順治二年副貢生授河南布政司
經歷署陳州原武宜陽息確山知縣有清慎名宜

重修天津府志

卷四十四

人物

六 光緒戊戌

陽士民以豁除河地雜徭立石頌德陞騰越知州
吳逆變以大義激騰越營副將周元守備蘇輔臣
等十七人練兵爲守禦計兵敗被擒舉家禁永昌
吳逆平乃脫於難

孫維甯堪長子以歲貢授灤州訓導順治初陞本
州知州歷任德安府同知老成慎重所至有聲
張泰來以恩貢授米脂知縣陞岳州通判署臨湘
知縣著有德政邑人頌之

姚命禹以拔貢授山東鹽運司經歷署歷城樂安
莘縣知縣興利除害果於任事所在著有異績陞

饒平縣知縣歸

俱同上 案選舉
原注年分無考

張猴公趨捷善拳勇結社禦流寇順治三年大城賊劉黑虎率二千人入青縣索牛馬錢布猴公詣賊營約如期送至黑虎喜攜入帳痛飲大醉時夜半賊眾皆酣睡猴公蹲虎身以兩手扼其吭而死復抉其目持回社率勇潛擊之斬獲無算賊遂平又有舉人姚景圖武舉齊維新戴廣順治七年正紅旗千總張歪脖率土匪百餘人夜劫民財燒民居無算維新與廣率社兵景圖糾家丁合擊之賊死三十七人生擒二十三人餘遁免歪脖誣捏景

重修天津府志

卷四十四

人物

七光緒戊戌

圖等恃眾戕人巡撫察其冤盡釋之置歪脖於罪

縣志

楊爾敬字一字制行純厚族人恃長侵房基者讓之不爭佃耕得數百金匿不聞佃鄰報知爾敬云彼之福耳人稱爲長者卒之日異香滿室以子芳春貴贈奉政大夫按察司僉事

前志

楊芳春字莪蒿順治四年知高陵縣師旅繹騷賴預備迎致民得安堵逆賊賀真竄三原距高陵三十里有脅降者曰吾守死不以累民不幸城陷卽縛我以明非汝曹罪又有黠者勒借庫金芳春恐

其爲變與之賊退皆置之不問陞南陽清軍同知裕州守虐民激變大吏檄芳春往馳行至城下呼曰楊侯來衆皆泣曰長令苦我特甚耳楊侯至此敢不釋戈唯命遂入除州守苛政一州帖然陞河南按察司僉事駐磁州政平刑措補甯夏道僉事殘黎凋瘵勞心撫字陞江西分守饒南九江布政司左參議未赴適朔方大旱冒暑開渠以勞卒官

前志引河
閒府志

姚應虞歲貢能文碑版文字多出其手著有雲牕詩稿兄子景燾景驥景默俱有文名

縣志

重修天津府志

卷四十四

人物

八光緒戊戌

姚溥拔貢久主社學及門多成名

尹天佑庠生乾隆八九年閒修葺城垣衆舉董役工成捐資若干弗以告人府縣知而獎之

姚諱副貢孝事繼母友于兄弟從遊甚衆

俱同上

姚大謙字地山乾隆五十四年舉人嘉慶六年大挑知縣署山西太谷懲刁婦白魏氏吉州土豪張傑儒王漢湘清平陽汾絳積案百餘起丁憂服闋改浙江署臨安補麗水大旱力請撫恤講求水利修舊北堰調歸安緝莠民吳明揚鬧漕積勞卒官

新通志采訪冊 案選舉在三十年乙酉科縣志無傳似此晚出有誤恐難盡信姑存其略

戴雲錫字仙裳嘉慶三年舉人官望都訓導孝友
力學得士心祀望都名宦及縣鄉賢祠縣志

朱煌字輝甫號勿軒嘉慶九年舉人道光六年大
挑知縣官浙江知景甯遂昌二縣十四年以承修
海塘調蕭山再調平湖陞玉環同知杭守缺出大
吏破格薦煌有幹才部議不可

宣宗違部議授之擢甘肅甯夏道革鹽商陋規寢將大用

入都行至西安邁疾卒年七十八著有勿軒詩鈔
許乃普撰墓誌銘

馬震字爲龍號青雷嘉慶戊辰舉人磁州學正主

重修天津府志

卷四十四

人物

九

光緒戊戌

講青滄兩邑書院所成就甚眾書畫皆工縣志

戴枏字南喬道光十五年舉人赤城縣教諭著戴
氏家乘青志擬草古今體詩稿藏於家

李鄧林字蔚若道光己亥舉人不樂仕進有詩經
揭要易經匯義傳世

費蔭樸字仲璋庠生從游多成名遇寒峻往往不
受贄樂育之

張邦達字亮圻篤內行時有義舉所居與靜邑連
道光壬寅年官荒增賦力白當道免之

戴元瑞字肇祥監生道光二十二年海疆軍需募

捐首以百金倡遇邑有修建義舉輒首助焉

李承謨道光二十九年拔貢授廣西武宣知縣任

三月盜賊肅清以勞卒官士民流涕建碑著有佛

桑花館詩文遺集

俱同上

閻氏三孝子咸豐間人兄弟三人傭工奉母三婦

亦賢孝得甘旨爭奉母未嘗私母歿浮屠廟中三

婦每飯持瓦盂供飲食啜泣奠拜孝子自田閒歸

必至柩側痛哭而反人稱爲三孝子云

采訪冊

劉兆麟咸豐初歲稔民無食陰以己田契質借糧

米百餘石按戶分給聽便歸還又有首藉二十餘

重修天津府志

卷四十四

人物

十一光緒戊戌

畝聽其采掇老幼藉以保全後土匪滋起林家莊

西有過客數人爲匪攔截急往禁不聽遂奮臂大

呼曰爾等欲斷路盍先殺我眾慚退過客得免

縣志

邵廷璧性好義黑龍港東隄自道光以來六十餘

村修築增補率廷璧一人倡領由是不被水患壽

九十五卒

陳煦字伯旭廩生父馭青工詩文書畫晚得痰疾

步履需人煦謝絕生徒一意侍奉留心烹飪一飯

一羹數十年皆手作竟以勤勞過瘁卒

黃庭葵庠生孝事孀母病至嘗糞

楊世綦字運昌庠生繼母傷足扶持月餘不倦

趙廷熙字皞如家貧孝友敦睦至書院船渡諸義

舉籌費督工雖烈日無怠及歿婦孺皆惜之

李作哲字濬府干總銜尚義輕財求無不應

戴雲鸞字鳳侶邑有義舉皆倡為之遺訓讀書務

實壽八十無疾而逝

吳振先多義舉不昧遺金精醫每愈奇疾不索謝

馬思敬監生授州同父卒食淡衣素終身工詩兼

精篆刻繪畫子伯球孫愷傳家學俱同上

靜海縣

重修天津府志

卷四十四

光緒戊戌

案此舊志難得同治季年所修紊亂至極幸今官紳采訪尚有足資補正然亦亟宜重釐若遲之又久恐將不可為矣

高爾修字中寅順治丙戌六年進士知遂安縣邑

多盜設法擒渠魁散其黨羽民頌德為建碑立祠

十四年內擢刑部主事陞郎中參勘案牘以勤密

稱告終養後丁憂起復遷監察御史風裁凜凜不

苟合疏陳皆闕大體致仕歸卒祀鄉賢縣志

蕭正埏字自牧廩生順治二年取貢任睢州州判

調鄭州州判署虞城縣事政聲嘖嘖

王士麟字孔生正志子以侍衛隨侍延綏撫署姜

瓌反隨父戰死

世宗憲皇帝嘉其忠崇祀本縣忠義祠

郭允昌字繩祖明崇禎十二年舉人

國初按學兩院交薦除河南裕州知州民爲立祠內
擢刑部員外尋出爲山東東昌府通判兵民立碑

頌德歷陞延平知府卒官

俱同上

高恆懋字勵昌號乾甫爾儼子總角善屬文

朝廷取公卿子入侍將備輔弼方面之選爾儼以姪
恆豫失恃撫若己出恆懋承父志遂以恆豫應焉
辛卯恆懋舉鄉薦後

重修天津府志

卷四十四

十一 光緒戊戌

朝廷例廕一子恆懋復讓恆豫己亥恆懋舉進士以
祖老須養遂改大甯教授終奉天教授恆豫字子
奮以廕除中書舍人升主事督江南蘆課又督理
北河開浚陞郎中

前志

高緝睿字堯臣爾儼孫以廕補西城兵馬司指揮
輦下多無賴子廉其尤者置諸法都城肅然有貧
民欲鬻其妻誣以姦鞠得實杖之賑以錢布民有
不能殮者勾所親弗應訟於官緝睿因酷暑卽賜
以棺貲命殮遠近傳誦之

勵杜訥字近公初以杜姓爲生員學問淵通精楷

法康熙二年

廷選善書之士試第一纂書成議敘授福州州同留
南書房行走食六品俸舉博學鴻詞科未中選會殿
門易額所書報可十九年

特授編修充日講起居注官二十一年復勵姓二十四年
命日侍點閱通鑑二十五年與張英同侍點閱綱目全編
累遷贊善侍講光祿少卿通政司參議太僕卿宗
人府丞三十九年遷左副都御史疏言督撫大吏
若託詞鎮靜漸成悠忽請年終彙奏實蹟不實治
以欺罔罪庶諸臣時時警勉藩臬有無虧空有無
重修天津府志
卷四十四
人物
光緒戊戌
駁審宜令詳悉並列疏得下部議行四十二年擢
刑部右侍郎十月卒於任年七十有六

賜例卹並

特旨給全葬後二年

上駐蹕靜海

御書文恪二字

賜其家雍正元年追贈禮部尙書八年祀賢良祠

純皇帝御極加贈太子太傅杜訥以諸生膺殊遇出入

禁闈數十年小心慎密前後疏奏多所建白居憲職
詳讞刑獄無所瞻徇朝野推爲正人子廷儀自有

傳新通志引大臣列傳案祀鄉賢

牛天宿字戴薇康熙丁卯舉人四十二年進士授粵西

融縣知縣撫苗民有惠政民為立碑以治行擢吏

部主事雍正初授河南同知以疾歸卒著有謙受

堂文集縣志

勵廷儀杜訥子康熙己卯三十九年進士選庶吉

士明年丁母憂又明年直

南書房四十三年授職編修後累遷中允侍講學士

升內閣學士經筵講官掌院學士晉兵部右侍郎

兼掌院如故雍正元年升刑部尚書疏言各省常

重修天津府志

卷四十四

人物

光緒戊戌

平倉穀當責成督撫覈實不時盤查年終造冊題

報離任將冊籍交新任詳覈又疏言北口外命案

請於適中處設理事同知一遇民間命案驗明取

供詳解題結盜案亦如之其稱職者照捕盜同知

例卽陞二年奏請團練民壯每州縣選五十名分

習槍箭三年疏言監禁宜分內外均如所請五年

典會試尋坐濫保屬僚降級又坐讞獄罪名錯誤

革職均得

旨寬免六年疏陳考職積弊四條又疏陳禁止私鹽四條

又疏陳清查入官家產弊端四條俱下部議行七

年加太子少傅

賜矜慎平恕額尋遷吏部尙書仍專管刑部事十年卒

賜祭葬如禮諡文恭子宗萬自有傳新通引大臣列傳 崇祀鄉賢

毛起鴻字儀章康熙丁丑拔貢壬午舉人嘗受知

於李光地韓莢著有毅菴集詩文數卷周易約旨

一卷雜著數卷縣志

牛思任字鉅膺康熙甲午五十二年進士雍正三

年知江西南城縣檢舊案脫一人於大辟士民感

頌改授河南尉氏知縣濬築興利瘠田饒沃告歸

依然寒素同上

重修天津府志

卷四十四

人物

五 光緒戊戌

勵宗萬廷儀子康熙庚子六十年進士選庶吉士

授編修入直

南書房前後三次坐事落職均奉

特旨起用

命南書房行走者一武英殿行走者二懋勤殿行走者一

累官至刑部侍郎先正事略宗萬累膺殊寵銜感激切

知無不言陳兆崙撰墓誌

為學政時疏請學臣舉黜優劣

隨考報部為侍讀時請禁州縣赴省私謁並整頓

武事為侍郎時請各部主事分三等錄用為都憲

時請各府州縣流民入境仿宋臣富弼知青州法

隨宜安集皆得請國朝名臣傳書法追晉人每寫經書

及自進詩冊輒蒙

褒異賞賜無算勵氏父子孫三世皆掌邦禁又皆直

南書房充日講官知起居注敷歷清要為正亞卿在

官皆有名績海內榮之先正事略 俱新通志引案三勵皆見前志特未

若此詳備

元展成字允修號芝亭貢生官兩淮鹽課大使雍

正二年陞阿迷知州一州稱治臨安府志累遷至貴州

巡撫有苗匪作亂出奇兵擒其魁削平之歷甘肅

巡撫番眾畏服部落帖然署內建水鑿亭明志卒

重修天津府志 卷四十四 人物 去光緒戊戌

於官縣志

佟大任字海叔雍正乙卯舉人乾隆七年進士由內邱教

諭知江西萬年縣調河南寶豐有兄弟爭產構訟

夜賂以金佯受之明日置金於案諭而歸之歲歉

多盜治其渠捐俸賑飢陞襄陽府同知署鄖陽知

府告歸行李蕭然著有樂易齋文集行世

牛思凝字方巖乾隆丙辰舉人十年進士授山東肥城

知縣調諸城以卓異陞貴州正安知州調普安苗

民戕官為變獨入苗疆宣諭苗民聽命縛倡亂者

數人置諸法陞黎平府古州理苗同知卒俱同上

元克中乾隆六年舉人歷知樂平廬陵諸縣寬厚
有政聲署龍巖州歲大歉爲平糶勸捐雖饑不害
去之日民遮道攀轅

新通志引
福建通志

張宗榜字又賓乾隆丁卯舉於鄉著詩經粹言初
任懷安縣教諭以母喪歸服闋選文安縣教諭見
廟傾圮力任重修工竣有餘資紳士請修學署卻
以應備歲修及引疾歸蕭然如故

縣志

袁正己字作楷號濟川乾隆己卯舉人庚子進士
補貴州銅仁知縣性仁厚每聽訟勸民改過不遽
繩以法至懲治巨姦則必嚴屢分校所得多宿儒

重修天津府志

卷四十四

人物

七

光緒戊戌

大吏重其廉能調貴陽府長寨理苗同知嚴防守
杜冒濫諭苗以大義邊境又安旋告歸著有周易
思辨存參若干卷門人徐中丞昕付梓以傳

牛曾若字稼軒乾隆辛卯舉人丁未以大挑補湖
南瀘溪縣知縣調零陵縣又調清泉縣署武岡州
知州時征苗軍書旁午賴綜理有法民得安堵戊
午分校秋闈得人最盛力薦彭浚卷主試不允後
爲乙丑第一人人服其藻鑑始涖清泉塵案山積
不數月四境帖然後以老改選獲鹿縣教諭終
高肇培字翼風乾隆己亥舉人喜論人摘發僞君

子尤力中年罹禍幸免乃頽然自放著有茶香齋詩集鷺莊閒歌

郭長齡字夢錫乾隆庚子舉人大挑補山西文水縣知縣裁革陋規千餘金政清訟稀尋以病歸

杜剛字近齋乾隆癸卯舉人嘉慶丙戌進士錦州

教授性鈍苦志竟成著以文齋詩集俱同上

蕭士範字憲章庠生事親敬養無缺居母喪廬墓

三年邑宰王化南重其孝時造訪之當時以廬墓

稱者又有于乾周斐張汝官李昊朱朝王廷試六

人劉永和父病以十指然燈祈免翼日獲瘳新通志引

重修天津府志

卷四十四

人物

六光緒戊戌

縣志案縣志遞敘此八人雖誤尚隱至新通志不審而反聯合之重性馳謬甚矣今據錄呈縣册祠位所題居中六人皆係明代辨已見彼卷董嘉善下惟首尾二人不能知為何時姑存於此

李世銘庠生教育幼弟庶妹歲荒鬻產周卹異炊

兄嫂拾金不昧急公尚義縣志案祀孝義

閻應極字湛持號垣一事孀母劉不敢遠離童年

入泮旋食餼明經入太學期滿考職得授州判執

母喪號泣孺慕葬祭盡禮據縣志補案祀孝義

李萬清監生事母以孝聞周卹戚族兵燹災荒輒

倡首捐武生張慶元令聞亦與大同案李祀鄉賢

杜其旋字考之號雪臆依中子諸生善屬文築小

屋雜植花木絃歌終身著有詠雲齋詩集

畿輔詩傳

毛士字若人一字夢蝶性好學年十六補諸生以學使者不以禮待遂拂衣去絕意進取潛心聖經父泰初貢士嘗有志於傳春秋因與講胡氏解春王正月之失謂士能繼志昌明之是吾願也但訓詁經書非易事輕議先儒非小失士其慎之士敬唯嘗從父遊盤山三年始反未幾又遊遼東塞外終設教於正定無極之間父卒奔喪歸以不得親含殮服闋仍白衣老死不釋士博綜經傳無所不通而尤深於春秋其說經以全經之本文爲主不

重修天津府志

卷四十四

人物

九光緒戊戌

泥傳說於公穀以下數十家皆貫穴研窮合於經義者錄之不合者置著諸家解三傳駁語其義例具於各書之首又著三子傳三子者公羊穀梁二子取其精核而去其穿鑿之言自爲一傳以申之曰泰初子泰初子者託於其父之文也又自爲注以附於三子傳之下義精詞奧語若創獲而實多當於聖人之心其發明筆削大義細例及以語孟綱目貫串證明皆具於傳前答問一書晚歲館晉州疾亟猶自刪定授其弟子曰吾自童冠志於春秋上傳既成無遺憾矣不藥而卒時壽慶元年九

月二十五日也年七十有二

新通志 案祀鄉賢 采訪開列失序今正

毛典字徽五乾嘉年間學者著有日記經學甚深

傳至江南人爭寶之

采訪 冊

毛直字維清讀書深通好古文精毛詩著詩經類

考四卷釀花書屋集一卷

縣志

張夢蓮嘉慶

丁卯 舉人

甲戌進士任順天府教授加六

品銜事病母甚孝好施與捐義地兩段二十餘畝

道光癸巳歲饑出米設粥廠著作甚富至老不懈

采訪 冊

牛曾詔字鳳銜父卒哀毀骨立嘉慶甲子始舉於

重修天津府志

卷四十四

人物

三

光緒戊戌

鄉勤學猶昔雜集詩歌甚夥惜皆不傳

縣志

劉潤字膏亭庠生訓蒙甯河新河鎮忽聞母張染

疫劇遶行於海岸捷徑經中堂窶無人迹之曠野

夜入荆棘中凡八十餘里抵家母見驚喜汗出病

愈後父母歿俱廬墓三年姊妹與諸甥依以安業

設立義館助寒士膏火應試路費嘗變產捐修文

廟與文昌魁星二閣劉猛將軍廟嘉慶十四年減

河水決自備椿席率鄉人指畫堵築三日得合後

山東饑民北走獨設粥廠於唐官屯閱三月邑令

孫某已陞廣西知州因虧空羈留為彌補八百餘

金又汪某丁艱公私交迫力助數百金俾得回籍
義行多類此

牛廣士字國賓嘉慶甲子舉人任邱縣訓導戊辰
中進士授昌平州學正宣化府教授植品勵學晚

年家居延主瀛海書院生平著作兵亂失散

案此人見

選舉乃戊辰舉人未中進士縣志與新通志所同
下注歷官宣化府教授此作甲子舉人又進士必

采訪
失實

蕭重字千里庠生工詩賦嘉慶十三年迎

鑿獻賦試得

賜大緞二匹充文穎館膳錄選福建莆田縣浚洋司巡檢

重修天津府志

卷四十四

人物

三光緒丙午

著剖瓠存稿二十卷

俱同上

劉秉心字性郭廩生博學能文歲科試輒列榜首

嘉慶庚午鄉試已擬元卷以主試房官爭論卒不

獲遂絕意進取著有經義咫聞錄讀史指掌緹性

粹言古今文考辨藜經堂文稿孫汝驥進士入翰

林采訪
冊

何永貫業農嘉慶十五年父患痰症甚苦晝夜扶

持恨家貧不能延醫偶有薦者於煎藥時偷割左

腿外肉一塊入藥時炎熱父氣息奄奄未能一飲

而盡迨飲完永貫已昏絕倒地家人聚喚醒方知

其事同

孫煥翔字鳳翥道光辛巳舉人甯河縣教諭研田
僅足自給親友有求慨然推與啟迪不倦卒年九

十有三縣志

鄭廉善嘉慶戊寅副貢道光乙酉舉人一生品端

學粹克敦孝友縣冊 案祀孝友縣志藝文載勸
俗俚言十首此外別無可資采補

張大壯號雨帆廩膳生道光乙未舉人大挑選河

閒府教授親老不赴後一任阜平教諭歸而安貧

課孫以學世其家采訪冊

侯清泰武舉道光三年歲大饑與武舉侯元泰監

重修天津府志 卷四十四 人物 三 光緒丙午

生侯元輝貢生侯元會共出米六百石柴草稱之

立粥廠於獨流至道光十二年家已落又復施米

如前同上

杜麟孫字夢郊道光丁酉拔貢任臨城縣教諭博

學工駢儷文著有安雅堂詩一卷子嵩年道光己

酉舉人山西大甯縣知縣縣志

高崇基字仲巒號紫峯幼號神童道光癸卯舉人

庚戌進士選山西壽陽知縣時陝回擾征兵四出

壽陽當其衝從容應差軍不譁而民安當宋景詩

之未叛道經縣察有異志戒父老移婦女輜重山

谷而優禮以犒出至獲鹿逆迹始彰壽民感之旋以卓異薦調補介休一月決呈牘千餘眾驚爲神編造魚鱗清冊大府取爲通省程法調署鳳臺以西捻渡河北犯帶鄉兵防韓侯嶺有勞調陽曲署忻州補河東監掣同知光緒元年

特旨簡安慶遺缺知府卽補甯國履任五日而建平教堂案起出以持平民教帖服旋值土客交鬩將變急止發兵立傳訊剴切剖論卒致欣服調安慶知府旣丁艱歸服甫闋以前在甯國有惠政安徽巡撫裕祿山西巡撫張之洞交章調往遂回山西旋

重修天津府志

卷四十四

人物

三 光緒戊戌

以候補道署布政使補河東道擢按察使布政使皆在山西事無巨細必親漏四下猶未就寢或勸節勞慨然曰吾以守令擢至監司惜身誤公如方寸何嗣調廣東布政使時總督爲前山西巡撫張之洞夙相和協念粵中風俗侈靡藩庫度支不給所恃惟釐金大宗於是嚴定比較痛裁陋規而增員役薪水以養其廉其近江沙田水落卽成膏腴勢要據爲利藪稅不輸官乃立清丈法如昔蒞治介休河田年遂升科至數十萬庫以不匱凡歷三年

特命巡撫廣西

陛見時獎諭甚渥抵任感暑疾未及一月卒妻李氏絕

粒以殉

恩旌如制

采訪冊

劉仲篋字西樓廩生成豐辛酉癸亥聯捷進士官
平陸長子太平等縣輿頌咸洽著有醉經堂綠淨

軒公暇錄文集

王榮第字蓉圃廩生同治甲子舉人春闈屢薦不
售遂閉戶著書著有詩韻辨音釋義四卷行世

劉伯壘字友軒仲篋兄也同治甲子舉人十二歲

重修天津府志

卷四十四

人物

光緒戊戌

失母時號痛不食父責以居喪滅性不孝始稍稍
進食及葬入穴號泣欲隨母去方母垂危時潛至
廟祈代歿後數年夢中常作喚母聲後值寇亂團
防歲饑賑救皆先倡不受薦舉亦不著書立名歿
後舉人辭欒沂等議舉鄉賢以年例未符止

牛漢冲字鶴儁光緒戊子科副貢爲學刻勵古今
治亂成敗之由必窮其奧慨然欲有効於世未及
中壽而卒著有文集三卷卒後散佚論者惜之

馬保恆孩提有至性祖病篤隨父母侍奉無少間
父光炳以哀毀卒母傅氏欲殉未幾竟卒視含殮

畢撫棺大慟而絕年十四歲

王者瑞早失怙恃事繼母至謹受責無愠母病痢躬浣一切若不覺穢垂危割股煮奉獲愈年方十五也王者龍亦事母至孝母病篤思鯉羹市之不得捕之竟夕亦不得遂乞宿於販舟夜聞舂然有聲起視乃尺鯉躍墮舟上遂歸奉母得瘥又王夢臣亦事母不避污穢二十年如一日

常富禮小字日和節婦吳氏啞子也操作田園極有條理晨起先侍母盥沐乃往田閒每赴市歸必獻甘旨且先遣離幼子恐母分甘也南鄰陳氏亦有啞子忤逆甚或毆母富禮每指天畫地並指雞犬以示意陳子逆狀爲頓止

重修天津府志

卷四十四

人物

五

光緒戊戌

劉學文祖士直先以孝聞學文逮事祖母晚遭癱症而性好潔便溺須抱婦女力不勝學文常在左右衣不解者三四年他適至晚必歸祖母臨終歎曰有孫如此不愧家風汝當復得孝嗣後學文老病子曰朗侍疾寢食與俱不入內室者數年

高義輔賣水爲生奉母孝母壽至百十餘歲義輔已七十餘宛如老萊子

劉蔭楠貢生繼母嘗患癰躬吮膿血衣不解帶禱

神求代每與生徒講至倫紀涕泣道之

任兆乾因父年老苦貧遂學賈獲利則盡奉父兄
父先因生母杜氏嬸母袁氏苦節無力請旌焦思
成疾至是得遂志後病歿兆乾欲殉母泣曰爾兄
無能爾死予何依乃勉從母兄四十未能娶終爲
之配未幾嫂亡遺子女與妻撫育如己子卒年八
十一

徐二喜家貧冬鑿冰而漁父誤陷二喜奔救冰因
風激倏成巨浸二喜死之教諭毛德潤額其門

劉天順家貧父歿拮据營葬貧益甚奉其母郝棲

重修天津府志

卷四十四

人物

三 光緒戊戌

人庶下傭得工資供甘旨而自啖糠不令母知也
欲傭之則先約日必兩歸事母否卽不應人咸許
之年四十六未娶或叩之則爲恐不賢拂母意郝
八十餘雖棲廡下而無一日不怡竟忘其貧光緒
二十年縣令訪之得實遂以孝行上達並捐廉六
十金爲置田畝且擇配焉俱同上 案此人似尙
生存然刪之恐遂湮沒
宋慶泰字棠占庠生事親以孝聞有田數十畝歲
入自食外每冬煮糜以食餓者戚友緩急典質無
難色又倡水會以救火鄰有爭排解必釋有儇薄
子敗露自愧無以見之縣志

邊國幹字君佐幼以貧廢讀壯入武庠仍嗜學善草書尤長於詩畫嘗畫一瘦豹自題以見意父門生居顯官以函邀謝不往著有託空傳一卷同上

袁正瑞字瑤圃廩生博覽工詩著蕉牕存稿選入

畿輔詩傳采訪冊

劉湧濤字仙槎庠生敦品篤學著有臞鶴館詩文

鈔縣志

朱善繼懋遷爲人乾沒巨萬負債或勸告官不從遂破產償之置不問同上

滄州

重修天津府志

卷四十四

人物

毛光緒戊戌

案此在都轉未移之先略似近時津門可紀自宜特多舊志雖非無長卻未盡善且去前志僅數年耳聞新志稿較詳備惜因議刻先經取回不及校對亦遺憾之一也

朱鼎字象九明諸生事親孝讓產與諸弟流寇亂罄家財募壯士守城有從嫂孀居子幼里中惡少誣以死罪鼎願身代入

國朝冤乃白前志

呂纘祖字峻發號修祉順治鄉舉無考丙戌進士任內

翰林弘文院編修國子監司業弘文院侍講學士

博學工書有八園集若干卷

楊楨昌遼東蓋州人貢士任滄州分司居官清慎

捐俸修滄學親督工役陞知乾州僑居於滄俱同

張文元大同人寄籍天津順治十年天津被水文

元捐貲賑荒全活災民以數萬計撫院上其事

詔賜八品頂戴以旌之子琦康熙七年亦出粟數萬石以

食饑民前志引舊通志案州志祀義行傳與此大同惟天津字作滄州考其季子爾銳後

由滄商籍登武科先必居滄無疑自舊通志失之而前志天津縣志遂相沿不覺耳

張文亨大同人僑居滄州性孝友有貸其財不能

償輒以原券歸之或以非禮相加笑不與較同上

劉慶藻字省虛順治丙戌乙未進士知江南虹縣

王師征三藩值歲饑芻糧夫役民無以應慶藻憫之

重修天津府志 卷四十四 人物 光緒戊戌

作詩黏堂壁挂冠去大吏錄其詞奏免賦役十之

七民至今尸祝之滄州詩鈔

戴王綸字經碧號一齋順治戊子乙未成進士由

翰林院編修任江西糧驛道工文善書晚年詩益

進前志案順治誤康熙弟王縉字紳黃順治丁酉連捷進

士授江西南昌推官迴避改揚州缺裁又改授山

東德平知縣食用俱取之家中德平距滄二百餘

里其別墅孝林莊去德平尤進每秋即令佃人運

薪米至署清節一時無兩重修邑乘時稱博洽內

升行人遷御史巡西城尋以福建道監察御史巡

視兩淮漕務未抵任卒

前志參州志

呂祖望字祇遜

順治戊子舉人

初入翰林改授西臺剛介

敢言有驥馬御史之稱忤權貴極力抵斥默移成

均尋陟句臚骨鯁之性老而彌堅雖位躋通顯一

如寒士所著有西園集

州志

宋起鳳字來儀號紫庭一號覺菴副貢生順治六

年授山西靈邱知縣大同自姜瓖叛民多流竄請

大吏蠲額賦豁亡丁省役舒力教稼勸學始復業

按山西通志姜逆之亂民散田蕪賦役缺正額者

以萬計起鳳力請蠲除獲免糧銀三千二百六十

餘兩徭銀一千七百三十尋擢廣東羅定知州撫

重修天津府志

卷四十四

人物

无 光緒戊戌

恤民糶眾建生祠以祀任三載丁艱將歸羅民詣

大吏請留環跪戟轅竟日允其請起鳳堅辭不可

奪羅民泣送千餘里歸家不復出康熙十八年舉

博學鴻詞郝維訥兩遣使至皆不應晚好遊足迹

幾徧天下著述宏富有八十餘種卒年六十有七

滄州詩鈔 案此為副貢前志作舉人且似在明季而選舉則俱無徵

李人龍字震陽號元美與弟人瑞以友愛著為諸

生矯明季文運之弊順治丁亥會試第一授定遠

令擢中書舍人

前志案舉人無考

李經國少為諸生即有聲父碩不事生家漸落授

徒爲養父授潞城令乃攜家以隨未幾徙蘇州同知復從之南下旋卒於官扶柩還滄丁酉舉京兆榜明年下第遊廬山日有記至漢江登黃鶴樓猶操筆爲詩未成而卒年五十二初號彝卿後改名易號頤菴本河間滄州人先世以軍籍入京師遂爲大興人子二長滋次澤孫一著詩文若干卷孫奇

逢撰墓誌

傅廷俊字越千貧苦孝後母中順治辛卯己亥進

士授金鄉令遷御史獄無冤民出視河東鹽政商

寵蒙其惠宦成盡以貲贍其後母弟鄉里稱友愛

重修天津府志

卷四十四

人物

三 光緒戊戌

前志從弟廷贊字聖翼庚午舉人亦以孝行能文著

州志

劉大謨字孔著順治九年進士累官吏科右給事

十七年典試福建於遺卷內拔取彭鵬卒爲名臣

有河南巡撫內倚權貴與寇私通大謨密疏奏之

權貴斂迹尋以疾卒

同上案舉科無考

于一龍庠生遭兵變父母被傷死尋尸斂葬痛毀

幾絕有弟七人讓金讓產有古人風歲大饑人相

食施粥以食往來全活者千餘人

前志案祀孝義

祝昌齡字禹寰明尚寶卿祥嗣孫七歲遭父喪哀

毀盡禮水漿不入口者累日事母以養志聞處鄉
有大度薦紳士樂與之遊州牧常過訪焉壽終進
士李震成銘其墓同上

龐襄字贊聖號述菴順治十七年舉於鄉言行不
苟年五十未仕卒所著詳藝文志州志

王應命字御圖諸生崇禎十三年流寇北竄應命
倡義修城獨力捐築西城二百四十一堵敵樓七
座率子宏基守城南礮臺賊至以火器擊傷無算
滄郡獲安有伯兄少孤貧為置腴田六百畝甥女
劉適南皮黃某被掠入旗應命以百金贖還夫婦

重修天津府志 卷四十四 人物 三 光緒戊戌

完聚康熙六年舉鄉飲大賓卒年七十三前志

白斌字聖緒康熙二年武舉人授陝西守備時偽

將王屏藩等據漢中斌守西河澧縣出奇兵掩殺

之澧城獲全隨趙良棟進剿四川敗賊將張棟於

白水壩西直抵成都擒偽將韓天福等時偽將胡

國柱營敘城西岸斌由他道潛渡襲之賊大潰遁

入犍為復追擊於江壩大敗之初斌出敘州時大

將軍圖海餞而壯之曰白斌吾干城也捷聞圖海

令入滇窮追逸賊斌乘勝取馬湖府路抵新鎮大

戰於十丈崕至黃茅岡復敗賊賊皆奔潰死調征

雲南取關山路入滇關山爲入滇要隘賊守禦嚴
斌率健卒援索潛渡大兵繼進遂復關山進瀘江
渡金沙剿會川滇蜀悉平論功補西甯鎮遊擊生
番西兒素寇莊浪殺參將斌率兵至先密寺生擒
之殲其餘孽升山東參將遷通州副將授宣化鎮
總兵掛鎮朔將軍印以所部三千人隨征葛爾丹
指陳兵勢三十六年呃嚙特各番投降斌運米抵
陀羅隆

賜宴坐督臣右後以宜人爭煤窰事落職歸里卒年六十

入州志

重修天津府志

卷四十四

光緒戊戌

劉若鼐字爾梅號敬菴康熙十一年舉人授新城
教諭擢長壽知縣行取工部主事升監察御史有
奸蠹擾民得索利簿痛治之俗遂變山西巡撫噶
禮爲民害列章劾之噶禮密賄銀二十萬拒弗納
授貴東參議時都勻苗張宏謀等殺郡守爲變輕
騎諭之卽歸順又三江苗叛若鼐至苗眾羅拜在
黔六年報政時噶禮已以他事敗

聖祖益重若鼐稱之曰劉鬍子授光祿寺少卿遷順天府

丞校試武闈授大理寺少卿旋以校試武闈勞病

卒案祀鄉賢弟若鼐字蓮友監生事親色養無違若鼐

歷官中外囊無一錢顛破產給之無難色弟若弼病瘋資養之數十年室雖屢空不計也卒年七十

一前志

衛正身字肖菴山西澤州人遷居滄州鼎革初大臣來滄安撫訛傳屠城民驚竄正身上謁以愚民無知請曲加撫慰且親歷城鄉反覆開導人情始安康熙十三年兵備周卜世討吳逆至衛源餉偶不繼遂駐兵弗進旦夕虞有變正身適寓其地急出銀數千兩充兵餉合軍歡呼南行生平義行類

如此

州志

重修天津府志

卷四十四

人物

光緒戊戌

吳中衢字鳴珂貢生兄康衢業中落割腴田千畝與之未幾又貧復與腴田八百畝康熙二十九年歲旱捐穀六百餘石炊粥賑飢存活無算施棺木置義塚同時李一鰲衛其傑張爾銳同爲巡撫入

告

前志參州志

李一鰲字虹西號樂謙自蒲坂遷滄州兄弟三人

勤於施濟有妹嫁而貧別置產贍之立義塾以施教有木廠在天津歲疫盡施爲棺無少吝無子納一妾微問之乃舊族也卽遣歸不索償將卒戒子

姓以分析後歷世同居官表其門

據前志補子如璐字

鳴佩克紹家風嘗倡捐築運河玉皇廟隄後舉鄉

飲大賓宋瑋撰傳

衛其傑字卓萬正身子康熙二十八年歲旱民乏食捐萬金設賑鄰邑咸集炊粥不及人給粟一斗又多置棉衣及棺以濟之全活萬人巡撫于成龍

疏聞

恩旌授光祿大夫

據前志補 案州祀忠義其傳較詳並有嗣後率以為常州牧吳瑾稽冊飢民一萬六千餘口云考吳牧祀名宦而未有傳此亦略見其心乎民也

張爾銳字命三文元子中康熙壬子武科康熙三

十年至三十五年歲比不登為粥以食飢者四十

重修天津府志

卷四十四

人物

光緒戊戌

三年水溢復出穀數千助賑又出金葺民居備衣

棺以周寒凍及餓死者巡撫沈朝聘旌其門友人

田茂春無子爾銳為置妾生子曰峻康熙己丑武

科狀元同上

呂薰原名斗樞字宸銘父希皋能詩薰知東安縣

單騎入山招撫賊感泣聽命後官至曹州知府滄州

詩鈔

于明閻字濟美庠生少孤奉母孝友愛讓產百畝

歲庚子葺家廟三楹於祖莊歲時合族人致祭隨

申祖訓子士弘亦庠生歲丙午減河初濬行人病

涉讎場店爲南北通衢捐銀倡建橋梁今名于公

橋州志

駱遇臬字秀之考授縣丞歲澇山左流亡就食累年捐糧千餘石全活甚眾又與同人王庸在鹽宗坊建立保惠堂養濟貧病二十餘年道院兩旌之
同

樊世翼字勉思庠生兄客死都下往求骸骨晝夜號泣夢得兄死狀及葬所東城指揮憐其友愛爲發塚貌如生慟絕復蘇負骨歸
前志參滄州詩鈔

衛瑛字文漪號慎齋貢生義士其傑子知富順縣

重修天津府志

卷四十四

人物

三五 光緒戊戌

蜀自張獻忠蹂躪多流亡瑛設法招集出私財築城郭葺廡宇立衢巷建學校繕樓櫓列津梁百事俱舉升台州同知隨大兵勦玉環山寇玉環孤峙海中瑛深入巢穴招撫之不煩一兵上官嘉其能嘉興嘉善秀水三邑舊有鉗田一區民爭訟無甯歲往讞三分之積訟永息

聖祖南巡賜詩扇綾匾羚羊貂皮等並加一級擢延建邵

道弟璠瑛別有傳子封濟
前志衛封濟字衍周貢生

知河南汝陽縣置義塚義學養病堂邑有餘田千餘畝湮廢多積課爲做古溝洫制開水道變爲膏

腴積課頓清丁艱服闋補東安知縣招撫邊苗倣朱子社倉法量村大小建義倉三年大治

世宗召見賜貂皮等物擢河南鄭州知州鄭多盜封濟曰以盜攻盜可息也廉得積盜五人諭以生死資以養費用爲捕役行保甲練民壯境內肅然黃河水溢倡築堤堰二十餘里引支水入故道民賴以安升陝西臨洮知府兼署鞏昌有知州貪派里民責速納民大譁知州以民變聞巡撫將嚴究封濟承審貪派得實三詳大吏以去就爭卒據詳奏聞獄得雪臨洮有私茶積弊除之曰吾甘淡泊不敢欺

重修天津府志

卷四十四

人物

光緒戊戌

君也以聖誤去官秦郡士人繪圖送之

宋瑋撰傳

孫大謨字丹懷廩生順治初盜賊蜂起大謨奉派守城指陳方略多合主將之意勵守者以忠義靡不感激誓死孤城得保閭左晏然

州志稿

張延緒字鉉耳父文炳順治三年進士官監察御

史廣東布政司參議在朝有直聲延緒失怙後事母盡孝授國子監典簿不赴選屏居著書與李之擘建書舍五十餘間集四方同志講業其中著有

自怡草靜居集

前志參滄州詩鈔

劉果實字師退號提因康熙

乙卯舉人

十八年進士授

編修與韓莖友性孝友父沒遺產讓兄後解組歸里李光地撫直隸修幣敦請嘗稱爲首善第一人著有提因太史遺稿同

湯永寬字碩人原籍江右盱水縣以株累謫滄寓城北水月寺顏其廬曰安晦年七十七卒於滄其

隨遇堂心聲集韓慕廬爲之序

滄州詩鈔

提錄字簡臣河間衛人少司寇僑孫因授書於滄遂家焉遊門下者多知名士師退一見奇之旣而嘆曰詩規李杜文摹湯羅恐識者難也後竟以歲貢終所著有非有堂詩集同

重修天津府志

卷四十四

人物

三毛光緒戊戌

潘班字淵度號盤實貢生長詩書畫著有遠齋詩

集前志

王廷鎮字莫金號箴非事祖父母及母以孝聞康熙戊午舉人授高陽縣教諭訓士有方著有椽一

廬詩集若干卷

衛璠字煥魯瑛弟康熙

庚午舉人

三十年進士授華亭

知縣擢禮部員外郎轉神木道工詩文尤長歌行有蓬萍詩集行世弟瑛字修吾號貧圃由拔貢授都察院經歷擢刑部員外員轉臨洮道以仁恕爲治建義學以造士

李瑤字可菴震成少子居父喪盡禮母歿號泣不絕聲未葬火發於室瑤伏棺上髮盡燎賴眾救至得免踰年以廢疾卒子五人之曄之曄成進士之岷之巍舉於鄉之嵩諸生時以爲純孝之報

劉漢弼字王都父歿呼號不飲食母王泣慰勉進食鬻產殯葬如禮補博士弟子員康熙十七年客河南歸其戚贈百金舟次德州有王姓將之雲南扶父櫬鬻產得百金被劫欲投河漢弼傾囊與之母年九十餘卒哀毀致疾踰年亦卒著有河洛通解下學錄行世

重修天津府志

卷四十四

人物

三 光緒戊戌

劉驊良字支莊諸生編修雯曠子屢試不中同學欲變其文驊良曰豈有拜獻先資顧詭隨從俗耶卒不改著有帆影筆談支莊詩集十卷俱同空谷之蘭靜潭之月庶幾近之王士禎撰序

劉駒良字逸魯庠生編修雯曠子也九歲執父喪如成人事母諸事躬親卧母足下嬉戲如兒時母歿死而蘇者數四子濤雍正癸丑舉人前志參州志

臧人傑庠生少失恃事父及繼母能得歡心康熙三十三年八月晦夜盜入父室挺身往救刃傷左腕猶與賊相持鄰人救至得不死鄉試在京聞父

猝中疫急馳歸在途默禱減壽益父至父果愈遵
父命讓田五十畝與伯州志

李泰鳳父母歿皆廬墓

田霖庠生居親喪寢苦枕塊三年不入寢

吳道亨庠生避兵海濱負糧供母母死哀毀卒

劉成母病割股肉進遂愈知州李永純旌之俱同上

張濬字宗亮號條山由貢生授中書擢兵部主事

時有門夫之役沿河千里民被害濬至除之康熙

二十四年督催閩關稅額後以所上課著為例升

刑部郎中後出知興化府刑清政簡有召杜風丁

重修天津府志

卷四十四

人物

光緒戊戌

憂服闋補浙江衢州知府值旱請蠲新舊錢糧總

督郭世隆巡撫張敏以卓異特薦守衢七年歸士

民號泣送者數千人著有三衢稿行世前志參州志

戴寬字敷在號裕菴明說族孫康熙己卯舉人甫冠登進

士授庶吉士工詩文有登吳山詩為世傳誦早卒

弟寅字統人戊子舉人任定南令工填詞善畫自

號東溟小戴同上

閻士傑字聘甫噶爾丹不庭募捐軍需率先納馬

出塞往返萬數千里授象州知州改授贛州府通

判督運北上攝長甯縣均除諸弊人尸祝之署贛

州府解組歸

文時撰傳

孫讜字一士原籍紹興以滄籍中康熙

乙酉舉人

丙戌

進士遂家焉兄病痿扶攜十餘年選授江南武進

縣三年政無不舉民尸祝之有劣生武斷鄉曲讜

廉得狀密揭上官捕之將置於法讜旋卒劣生得

輿援出獄自幸後遊河干見舟中儀衛甚盛諦視

乃讜也驚怖歸數日死

前志

左方燾字湛如號定齋河閒人後入滄籍父吉之

官江西崇仁知縣有循聲方燾講學滄曲書舍先

達某欲羅致門下卻之中康熙五十年舉人朱軾

重修天津府志

卷四十四

人物

罕

光緒戊戌

勘河來滄訪於書舍與蔡新推挽授山東知縣署

青州同知監修城垣以清能名雍正八年大水督

賑竭力補高苑知縣邑多水患疏滯障盜與諸興

革無不切實有以蜚語誣之者布政使黃叔琳笑

曰方燾誠敬君子必不然察之無驗後以老致仕

士民遮道攀留追送卒年六十九子其首有傳

州志

張遇泰字夢卜庠生家甚貧一子病瘖嘗往舊州

質衣拾囊金於鐵獅下坐待頃之尋金人至詢其

錠

字本元史

件相符卽付之去及歸瘖子忽迎呼

曰來何遲也人以爲還金之報事在康熙十三年

後有張懷成事略同在康熙四十七年

樊奇遇字會仙康熙二十七年高麗告飢因截留河南漕米令山西陶某督運時官船三十商民亦三十奇遇爲押首星使陶某舟沒海眾行不顧奇遇獨令撈救載以己船陶謝以金三百遇笑卻之越數年至河南盧氏縣山中有石徑數里巉而滑捐資覓壯士多伐山木鋪道上烈火焚之石碎遂成坦途往來者咸頌歸至家有船戶自樊屯來泊杜林鎮土豪詭託積欠奪其舟夫婦露宿於廟代贖還婦適死又爲斂葬後病亟焚券五百餘金壽

重修天津府志

卷四十四

人物

聖光緒戊戌

八十八

張機字紫衡候選知縣里黨恃以舉火者數百家借券盈箱約計五六萬金其貧不能償者卽還之康熙四十二年民飢州牧姚孔鎭倡捐賑粥首先助米五百石後家道漸乏歲除有友谷錫禾汪介祉告匱解衣質銀八十兩贈之部催赴選不就張栩字蝶莊河閒府學廩生康熙四十二年滄大饑請州牧捐銀三千兩於南關設粥廠賑濟四閱月所活飢民無算

俱同上

孫璿字伯峰監生康熙四十三年山東饑流亡塞

路璿徧施衣食全活甚眾一女哭甚哀詢之則已轉鬻也贖歸之有村人以逋稅將罹法齋券以棗園求鬻與金七百還其地券從弟琚母李氏以節著琚性孝友好義與璿略同弟纒亦以義稱

前志

吳道純字霖巖拔貢任井陘教諭弱冠膺家政專心周急曲體人情不勝枚舉既沒後人奉行不怠在井庠教人以敦實行黜浮華爲本由是廉恥成風文廟傾頽獨捐金三百餘補葺之復以歲修不給又捐金百餘買田收租存貯官署紳士爲立碑

大成殿側壽七十五歲卒

州志

重修天津府志

卷四十四

人物

望

光緒戊戌

段大業庠生捐修學宮撫兄子如子養姪孫如己孫有古人風

前志

李顯宏捐造運河義渡鹽山令黃旌其門

王夢篆字麗君歲貢伯無子產薄弟夢昶應出繼父心憐之乃與弟夢簡請曰弟雖出繼長門異日析產當均父大喜友邱嵩嶽死葬之又于駟蕃託孤撫之如己子學宮傾圮與夢簡倡捐葺之

王遇倫字敦五晨出拾遺金及珠百顆不暇食忍飢待而還之撫族姪數輩如己子子琳諸生

宋三治字熙若兄二滄弟四澄同補庠生貧無以

爲養乃講辛研之術遂饒於貲爲兄弟各買田七百畝尋轉售復招兄弟養之金華沈君輔負金五百不能償三治還其券復資遣歸有婢父負多金請奉長女爲妾折券並二女遣之平生義行類如此子五人壽八十三俱同上

于映斗字燄垣庠生弟冲斗罪當遠戍映斗代之遂充西安軍巡撫傅百秀與有舊躬迎請居署中力辭後二子大閭更閭竝以軍籍中武舉百秀爲請得釋西安故有軍地四十頃久爲土豪據將還爲之清理復舊更閭字駟蕃號澹園康熙四十四

重修天津府志

卷四十四

人物

聖光緒戊戌

年武舉

案選舉不載

孝友嗜學工書篆刻

州志

李度以孝友聞年四十無子百金置妾入門反覆詰知有夫卽夕告官召其夫還之不索直次年生子昌基雍正甲辰舉人又生盛基庠生前志

于三友歲貢事父與二母並以孝聞居喪哀毀病卒自幼敦行誼僕嫗咸感化嘗有僕拾遺金卽覓失者還之曰非不愛金恐無以對主人子沂雍正

癸卯舉人

同上

劉濤字砥之號巨瀾雍正元年舉人授山西交城知縣邑多山苦潦倡築隄防農桑樂業乾隆二年

調榆次交人遮道泣留建生祠以祀榆次素衝繁
抵任卽減除供億四年大旱躬親賑貸不安寢食
者五旬解組歸母歿以毀卒年五十三州志

李之崢字覆一號樸齋雍正二年聯捷進士知湖
南光化縣訓以禮讓民皆化之致仕歸澤州知府

李苞畚聘主體仁書院太平龍門書院晉人稱樸
齋先生與弟之嶧齊名孫元樞有傳同上

李之嶧字銳巔康熙丁酉舉人雍正元年進士授山西潞

安府同知博學能文闢卽山房爲講學地又立滄
曲書舍與左方燾提倡造就甚眾著有秦役草旋

重修天津府志

卷四十四

人物

光緒戊戌

晉草卽山房集滄州詩鈔

宋瑋字峒谷號豫亭又號悔廬雍正四年舉人乾
隆七年進士八年修州志多所闡發授福建清流
知縣潔己愛民十八年充江西同考官解首出其
門旋告歸日與名流講學嗣子見龍字在田舉人

州志

張逢堯字天民號麟圃爾銳孫父淑貢生候補知
縣逢堯雍正七年舉人知浙江蘭谿縣有生祠擢
海防同知洊升雲南按察使江西四川貴州布政
使擢山東巡撫將蒞任緣事削職戍邊同上

左基字永圖號誠齋方燾子雍正七年舉人官山東莒州知州有能名乾隆二十三年郡饑疫設粥廠施藥餌全活無算卧病數月士民代禱者甚眾性癖林泉政暇偕賓客僚吏遊凌雲山探水源洞倡和成帙人比之香山東坡

滄州詩鈔

藍美林字芝山雍正十一年由行伍任武岡遊擊猺蠢動恃險負嶠與知縣蔣德重力捕靖之改山

東高唐營遊擊兵民至今不忘

武岡州志

劉蘭德字香畹號友尙若鼎曾孫乾隆六年舉人官鹽場大使擢福建建陽知縣民為建生祠立去

重修天津府志

卷四十四

人物

望 光緒戊戌

思碑八年修州志任分纂多所闡發

州志稿

龐宣德庠生髫年盜執其父家人竄匿德驚醒獨奔赴捧金請贖盜未滿欲竝捶之父子重傷數日

父歿德哀父死非命每忌辰輒哀號不欲生生平

檢身甚嚴登上壽無疾而逝

州志

陳奉敕父歿廬墓三年見者哀感官旌如例

前志案

州志有未詳貢生同此姓名

孫纒祖字楚重考授州同知傅氏承嗣子也甫六歲孝事繼母逢怒抱膝跪泣年近八旬語及孩提

奉親事輒泣然

州志

况名世字碩輔貢生授縣丞母歿哀毀異常後與弟經世遇賊將見殺號泣請代聲動左右賊散去喪妻不再娶里有孀年八十無歸留養之享年百

歲卒

前志

王棟事母盡子職妻李氏乳病姑二載晝夜不眠夫婦皆享高壽

州志

徐世祿母歿哀毀幾絕賣履養父歿負土成塚廬墓至服闋喪偶不再娶年七十餘卒

前志

鄒成每力田歸先問母飢寒飽煖始就食母有憂長跪待解乃已子廷獻康熙甲午孝廉

州志

重修天津府志

卷四十四

人物

吳

光緒戊戌

張光潛廩生居親喪確守古禮有田二頃因弟負

官糧變價代完鄉族咸服其義

案祀孝弟據州志補

胡金誠年十六割左臂肉愈母

前志

後有石璞吳傑

俱割股為官所旌李重光呂長泰亦割股姜昌以

割股旋卒

州志稿

劉受材弟受福少貧為人傭牧事親父歿值荒年兄弟典身以葬後受材目失明妻死福以兄子女

為己任晚年友愛益篤鄉人則效

州志

程英州小吏母歿行役未歸聞之慟幾死既葬廬

墓側負土成塚疏食不繼食柏葉人感其孝饋以

薪米計足餬口卽辭塚在城南數里今稱程孝子

廬墓處前志

朱光監生事母陳以孝聞從姪正色失怙教養成
立里節婦王氏子幼貧不能自存與地耕種王氏

得全州志

李某以洗染冠纓爲業母老好潔且急躁每逢怒
長跪引咎不解或自掌其頰顏霽始起同上

呂伯龍字掌雷號靜侯過目成誦累舉不第家居
授子弟著家乘修州志多所闡發州志

傅育吾貢生於書無所不讀博聞強識人凡有疑

重修天津府志

卷四十四

人物

光緒戊戌

事無不向諮詢所著有東郭先生集前志

王作字越清貢生性狷毅孝友性成安貧樂道弱

冠卽淹通經史教訓生徒士大夫執贄請謁亦不

枉道交之壽年八十歲而終州志

劉興秀字仲實究心理學論者謂近於狷同上

張光輝張一起乾隆二年集柴萬鍾張起鼇董大

成趙鳳儀李起賢何文煥祝森祝兆弼方嗣琦郭

維藩張起麟郭人鳳彭三周士傑捐貲治救火器

具立會約會中五十人不分晝夜遠近聞災卽奔

救州牧獎給執照免徭役紳士李如璐劉蓮芳張

嶠劉紹芳閻儼吳重崔瑞等慕其義行擇菜市口
公地立福水會所置救火器具歲有捐助

州志稿

柴萬鍾字亮菴庠生乾隆三年秋水暴漲南關河
岸將決萬鍾捐金搶修城賴以安天津道陳旌之
姪州同成棟武孝廉成正監生成柱助成義舉

馬士驥父母亡廬墓三年親搆土鄉人感其孝助
之墳高數丈歲饑施粥施棉衣乾隆八年倡修減
河橋二十一年倡修關帝廟卒年八十

俱同上

王廷璧字鼎墀號鏡溪知興平縣設義學調汧陽
建隄廩書院開河以溉民田歲歉設粥廠攝留壩

重修天津府志

卷四十四

人物

哭光緒戊戌

同知創修土城募鄉勇禦賊政聲卓然以疾告歸
卒年七十三

滄州詩鈔

袁浩字集生號毅齋乾隆十五年舉人大挑知縣
籤分陝西時金川用兵委解橐駝絲毫不私借補
隴州州同調補保安縣署安塞見俗樸少文教以

禮儀調知鄆縣平反冤獄整興明道書院又引美
陂以灌田橋澧澇以通道百廢具舉引疾退巡撫
畢沅留之曰得一好官卽放一處心方將薦何退
之速也固辭歸卒年七十二

州志稿

李廷揚字巖野號隨軒又號退廬乾隆

己卯舉人二十

五年進士以主事遷員外視學雲南轉郎中補廣東高廉道調惠潮道多善政去之日老穉填衢香煙翳空四十八年擢江蘇按察使調廣東以事鑄級歸與弟廷敬徜徉林泉比軾輒著有遂初堂詩

文集卒年七十五

滄州詩鈔

吳沂字浴曾乾隆二十五年舉人初官玉田教諭升知縣歷任廣東從化東莞諸縣在東莞時招勁旅備利器自乘小舟入巢穴獲巨盜鄭大邊保等一百四十二名授理搖同知升陝西漢中府調西安值川楚軍興籌堵禦備糧糈恤難民經理周至

重修天津府志



卷四十四

人物

吳光緒戊戌

逆首齊王氏竄商藍界圖越秦嶺口沂繞後進剿殺賊五百生擒一百七人餘悉奔竄嗣有賊圖撲興安城密約內應先馳擒之升潼商兵備道賊竄商境星馳往防抵雒城開門納難民數千人晝夜登陴固守賊雖環攻卒得無恙乃築商州及四屬邑寨堡七百一十座洞一百四十處收堅壁清野之效賊平授甘肅按察使未抵任卒

州志稿

劉鶴鳴字皋聞乾隆二十七年舉人嘗從戈濤遊及門著錄以百數計歿後門人醵金以葬來會者數千人著有周易史鑑坎卦說尙書論文春秋直

解春秋比事錄左傳文離騷讀法毛詩官禮等
呂鍾蓮字範溪歲貢生性方嚴師事宋瑋與劉鶴
鳴最契善教人宋奕簪左元銓劉廷珊李大亨王
克勤董友筠皆門人也著有海華詩文集五卷
吳元輔字襄哉廩生力學窮經有從叔家貧外出
養其母妻子女喪葬婚嫁皆任之卒年三十八
于杰字真崖廩生以孝友聞季弟模病死仲弟楹
以悼弟死杰益悲號日夜不息亦死初杰妻李以
多病無子母命置妾杰力辭不數年李果舉子安
基

重修天津府志

卷四十四

人物

平光緒戊戌

戴唯字化魯庠生考授同知家富好施乾隆二十
三年饑多餓殍出粟若干石煮粥以賑又於仁義
坑立天一水會出資置鋪房十餘所歲收租爲經
費百餘年來遵循一切不待外捐他會不及其永
久也餘如施棉衣築橋梁修志乘不可枚舉孫一
鳴乾隆庚子武舉人

楊華清字崇德武庠生有于姓鬻妻妻誓死不從
庠生王峰嵐欲救之而力不足急語華清助成
龐學寬字文田鄰侵宅讓不與爭兩鄰爭畔將訟
卽割己地解之又嘗拒奔婦教四子至老友愛

苗聯第字貫一勤儉起家厚於宗族伯兄將鬻宅償官課爲代完更周以粟質族兄宅後又別售卽付買價仍歸其宅從姪貧聘妻父將悔婚卽爲助資完娶又從子某以田求售畀價而還其田他義舉不勝計猶以未建義塾爲憾卒年五十七子元華庠生

井清璧州倉吏乾隆三十九年歲饑放賑監賑事餘粟三千七百餘石同事欲瓜分持不可請官給城廂貧民子大源鄉舉第一人旋成進士官順天府學教授

重修天津府志

卷四十四

人物

三 光緒戊戌

王豹同里井某客死甘肅其子容幼不能歸骨慨然破產得二十金偕往數千里穿賊壘至甘肅而金盡乞食訪得骨知有遺金寄某商隱弗與豹握刀代索得二百餘金負骨歸容分金相酬不受俱同上

李廷敬字景叔號甯圖一號昧莊廷揚弟以乾隆甲午四十年進士庶吉士改王事出知常州歷松舉人

江甯蘇州府升蘇松太道所至有聲性豁達

吳錫

麟撰墓誌好延禮名士與袁枚王文治祝德麟洪亮吉

陳廷慶趙懷玉何琪林鎬陸繼輅吳錫麒輩以詩

文相雄長晚益嗜書丹鉛不去手輯有二十二史紀傳節要三通節要唐詩百家選列朝詞選平遠山房詩話又著詩古文詞爲平遠山房集若干卷墓誌尤精鑒別嘗集歷朝名人書刻平遠山房帖士

林貴之

紅豆樹館詩話

葉汝蘭字香浦號退菴乾隆四十二年拔貢官廣東糧道熟黎苻克先內連生黎外結洋盜久爲民害有控之者皆佯怒其妄克先喜謝撫慰而遣之及頻來醉以酒榜其罪置之法黎遂皆遵約束攝按察使辦洋匪株連者眾乃擬分別定罪得請改

重修天津府志

卷四十四

人物

至光緒戊戌

戶部郎中卒弟汝芝濟英汝芝字仲田號草亭由附貢知在平縣神明遠播冠縣因徵收激民叛請得葉青天理其冤大府檄往卽解散授絳州知州弛署沼水禁歲漑民田數萬頃升汾州知府善斷疑獄所理皆得其平山西絳州以派役不公揭竿馳往解之調太原擢河東道河東轄三省鹺務日夜擘畫改章得請鹺務大起升浙江按察使治湖州漕棍吳明揚溫州訟棍林起鵬攝布政使改內閣侍讀學士告歸卒子伯儉字守樸性孤潔精金石碑版工詩以貢生終汝蘭孫圭祥字印山號輯

廷署廣西甯明州兼攝明江同知甯明地處邊徼
明江同知轄十餘土州縣撫綏勞輯恩威並行忤
上官左遷遊東南諸山水詩畫皆工著有焦桐集

滄州
詩鈔

張槐字介圃幼貧不能讀日聽鄰塾塾師詰知驚
爲神童告其父不責束脩而授之讀數年入庠乾隆
四十二年連捷成進士以親老就教職補保定
府教授調順天府有某王府穉子從豪奴數十人
率猿戲文廟請鑰欲入堅不與奴壞樞星門入之
槐憤白府尹求上達尹難之槐曰此可忍大成殿
墟矣典守者不能不自叩
聞也尹不得已入奏奉

重修天津府志

卷四十四

人物

光緒戊戌

旨勘驗王懼誘以利脅以威皆不爲動卒落王爵罪其奴

秩滿授雲南河陽縣有政聲解銅運推知安徽六安
直隸州俗健訟有兄弟相訟累年爲陳手足之
誼激昂愷惻旁觀皆感兄弟泣拜相攜而去澆風
一變引疾歸卒於家

州志
稿

王樞字鈞持號靜軒由修書校錄得議敘選陝西
布政司經歷乾隆四十九年署鳳翔府經歷適逆
回掩至方疾聞變卽提戈登陴不寢食不藥餌子

雲翔泣請不聽寇卒潰去丁艱服闋歷署西鄉縣丞留壩同知靖邊知縣大吏每睹樞名輒曰是力疾捍寇者薊州孟某謫於陝憫之許爲謀歸資已而遇赦樞持巨篋送之曰此鄉人助君者塵封纍纍蓋數年所約集其人感激失聲歎曰君用心至此乎以繼母艱歸卒年六十九

蔣麟文父午

案選舉在天津縣

乾隆戊申貢生病將不起

麟文割左股肉烹以進疾愈婦孫氏四旬一子在襁褓見翁疾後瘖甚聞人乳可培元遂日留一乳付夫進翁翁因漸壯吏旌其門

重修天津府志

卷四十四

人物

光緒戊戌

張廷弼字君輔號良齋乾隆五十九年舉人嘉慶十三年大挑選柏鄉縣訓導丁憂服闋補景州訓導截取授山東武城知縣鄰境有劇盜許魁久漏網捕得之盜風以息會撫轅巡捕訪獲荷澤教匪一人輾轉株蔓縣民李德全有癲疾牽入畏刑妄供連及甚眾省委催提縣中鼎沸廷弼日拚一官爲民請命何憚不爲遂據情申請獲釋者數百人後緣事罷歸卒年八十二子六惠先惠榮副榜惠立舉人知陝西同官縣惠鱗候補縣丞惠懋從九品咸豐三年殉難惠霖山東日照知縣

俱同上

李埏頌字彥三乾隆六十年舉人歷官浙江道監察御史抗直敢言封章多留中出知臨安府地近緬甸多礦盜治首惡數人居民安堵性耽吟咏著有南遊小草素園雜吟放鶴軒八卷

滄州詩鈔

祝掄元字冠軍號椒園嘉慶三年舉人官四川筠連知縣興教養雪冤獄除積賊莠民擢廣安州道光二十一年大水城幾沒爲文以祭水如故遂懷印投水水退掄元亦無恙筠連廣安皆爲立生祠

州志稿

張祖基字念哉嘉慶六年拔貢官浙江甯波府同

重修天津府志

卷四十四

人物

五 光緒戊戌

知爲政務實公餘手不釋卷著有備忘集養心編區田圖說學製策存幻海聞見錄救災紀略海壩雜記還瀆于役日記守拙堂詩文集

董友筠字師竹號柯亭嘉慶癸酉舉人甲戌進士揀發湖南署興甯補龍陽以威信著調湘潭署黔陽升永順同知援例授浙江金衢嚴道杭州鈔關勒索商人巨案一訊卽結石門縣民聚眾阻漕護撫將調兵往勦力陳不可請出示諭散脅從僅誅一二人旋保卓異以足疾告歸卒孫慶來舉人王式和原名輯甯字葆元公弼裔也嘉慶十八年

舉人二十二年進士官內閣中書舍人充道光十二年順天鄉試同考官外授廣西南甯府同知二十二年署百色廳同知客民土民鬪殺多人立會營擒數百人誅之捐資厚恤被害之家二十六年擢知太平府三十年五月會匪起事搶劫土思州卽會營帶兵剿捕獲匪數百名置之法請嚴拏餘黨上官方務姑息憂憤旋卒而大寇起俱同上

周師望字右公知涪川縣禁奸戢盜豪右屏息捐修城池建書院以憂去官民爲立祠續河南通志

劉仲珩字丁佩號耘藍六歲入塾卽能解字義過重修天津府志

卷四十四

人物

癸光緒戊戌

目不忘嘉慶戊寅舉人道光壬辰進士歷戶部主事員外郎郎中時黃河決開豫工例籌費派充主稿一任滿再留一年京察一等授浙江衢州知府屬有重案三起久未能決牽累頗多督鞫不十日而讞定人以爲神丁憂服闋授甘肅涼州知府俗尙武勇化以德教保薦卓異以疾告歸著有育蘭堂文稿育蘭堂詩稿慧餘小品啜茗錄夢樓話影家塾訓蒙瑣言詞園咳唾州志稿

戴儒宗字翹青號醇夫幼以孝聞入其戚孟縣李氏之幕遇河暴決水突入城主人公出幕僚皆行

儒宗曰去將內訌且水暴漲少緩自消耳卒如所料嘉慶初例授府知事借補河南汝州吏目署許州州判鹿邑丞西華典史西華有教匪數百人欲待演劇時起事邑民鳴於縣令卽欲請兵儒宗曰先發制之可以戢請兵將成巨案矣於是親率丁壯往捕之爲開陳利害果獻其首惡餘悉解散

張伯謙字牧堂號醉樵嘉慶己卯副貢案選舉性漏此

孝友鄉試臨三場心忽動趣裝奔還父已病危父畏雷死後每雷雨必趨赴墓上曰兒在此與弟友愛數十年如一日弟死作斷雁悲一篇見者下淚

重修天津府志 卷四十四 人物 毛光緒戊戌

每食另置杯箸如生時年七十餘卒案祀有庠生

張化醇字子遠孝行全類伯謙

張廷芝字秀三父歿於甘肅稍長欲尋父母骨母不可哀號十五晝夜不絕聲遂令貨產以行至西安

己行乞時州人朱慶長官陝西遇之曰吾鄉孝子也贈以資乃得達徧訪無知者慟幾絕館人代訪

父執乃得其處至其地豕平不可識泣血不已父執命以辮髮繫馬鞍手焚香紙且禱且呼或當有

驗如是者七晝夜瞥見香烟縈繞一處隨掘見石誌啟棺面如生慟哭撫之則枯骨耳負歸以葬李

蔚林字松山走陝尋得父骨戴中興戴志誠宋吉祥皆走塞外尋得父骨

張樹本字潤圃號務村道光辛巳舉人癸巳進士山西洪洞知縣署萬全旋改甘肅甯朔補靈臺抵任訪士民科第寥落之故僉以胥役凌辱士子對察知積弊甚多於是力加整飭數月漸清縣舊無拔貢力請學使得比諸縣士民請立碑誌德峻拒不許

王晉康字芸莊道光十二年舉人通州學正教職廉俸薄賴新生贄儀以濟既成通例後遂較焉晉

重修天津府志

卷四十四

人物

五

光緒戊戌

康悉聽自爲遇寒峻則不受以是益貧幾斷炊遇災賑助州牧襄辦躬歷鄉村不辭勞怨保薦卓異選山西潞城知縣未抵任卒

俱同上

葉濟英號枚生貢生歷官廣豐豐城等縣知縣道光二十六年升義甯知州有獷俗子弟多不馴捐廉立塾延師訓之任十年有政聲咸豐二年卓異赴都行次江城瀏陽土匪不靖署義甯知州李世琦請留州防堵三年粵匪撲江西省城檄濟英募勇來援乃率武庠生藍如春督八鄉義勇名赤足兵衝鋒追勦賊不敢戰皆遠遁圍遂解李世琦解

任濟英始視事四年賊入境竄城下糾集義勇登
陣守禦城賴以全奪獲軍裝器械無算事定升知
府

賜花翎五年逆匪鍾延生等蹂躪邊隘突圍州城舉炬蒸
西垣撲礮臺手火器擊退之殪數十人復投輒石
斃賊無算濟英子圭萬率精銳二千出城戰殺萬
人賊攻西南青雲三門力戰卻之城內泉竭具衣
冠虔禱風雨暴至池滿井溢是夜賊暗運火藥覆
以油紙逼城下藉毀城門城上礮石不能傷濟英
命以木桶儲火藥傾城下燒之噴桶火箭齊發賊

重修天津府志

卷四十四

人物

五
光緒戊戌

眾半灰燼賊於西門壩壘土牆傾巢出濟英集精
銳駐鳳巘城樓夜分果有大股賊撲城北隅以有
備得無患賊用煤火燬城南門急引水灌息賊旋
攜火具雲梯分集城下用連環槍礮迎拒賊大挫
賊來日眾相持至兩旬鄉團劉益萬葉廣金等至
五里坳失利陣亡勢益孤濟英嚙指血爲書求援
兵且曰濟英死不足惜所可惜城中十餘萬生靈
與江省門戶耳撫軍卒不應賊用地雷轟城陷數
十丈蜂擁入紳民巷戰陣亡十萬餘人濟英戰不
利急入署與長子圭萬幼子潤死之孫三人孫女

二人妾二人媳婦二人同殉節州紳李炎至廣信道羅澤南營請兵凡三戰克復州城得濟英尸愛蓮池中人士哭祭者數千無不失聲事聞

贈太僕寺卿建專祠本州州人因祀之池上

江西忠義錄

葉圭書字易菴號芸士別號滄粟庵主汝芝孫以祖廕得知縣用道光壬辰舉人選授山東鄒平知縣調館陶以獲巨盜功升濟甯直隸州知州金鄉捻魁張廣居亂以智擒斃而餘黨散爲鎮江漕艘水手沿途爲患迨過濟陽橋圭書飭勇役逐船搜捕解省正法河道肅清旋值河決北岸濟甯所屬

重修天津府志

卷四十四

人物

李光緒戊戌

悉災請大府勸募紳富捐助分路賑之明年復漲民益困又請截漕三十萬石分賑六州縣調補兗州知府署兗沂曹濟道時粵賊竄直入高唐攻陷臨清僧邸令總糧臺兼總營務事平保花翎以道員用遂升濟東泰武臨道兼署鹽運使升按察使署布政使因先任臬司時坐失入降一級調用後得疾卒

州志稿

劉子城字雉峰仲瑋兄子道光丁酉拔貢己亥舉人充補軍機章京歷員外郎掌福建道監察御史京察一等授禮科給事中巡視西城中城外授山

西河東道同治癸亥捻逆竄撲茅津河欲紮筏偷渡遂督率員弁兵勇三晝夜不離河干遠用礮轟近用鎗擊殺賊無數復密遣弁兵從上游潛渡突至賊背山紮筏處殺賊多名燒毀其木筏賊計窮遠竄河東七州縣得保大府保薦

賞戴花翎後以湖北鹽法武昌道丁艱服闋未補官旋卒

于光甲字申卿道光丙午舉人咸豐丙辰進士翰林院編修以大考左遷內閣中書同治丙寅使琉球適久旱大饑因捐廉付其王尙泰勸賑之忽天

重修天津府志

卷四十四

人物

空 光緒戊戌

降霖雨民皆內向呼

萬歲及歸無餘貲性剛正不依附官久不遷卒年五十後琉球使過滄聞其卒爲流涕

楊琳字玉麟優貢母暑疾思冰焚香祈禱置碗水案上至晨成堅冰母病愈學官以此舉優行監生于中熹字理齋亦於暮春求得冰

王吉甫農家子傭以養父母恐力不足竟不娶父歿母病痺八年不離積累置田數畝供必甘旨母歿鬻田以葬晚年閉戶習靜一日對客正衣冠端坐而卒

郭某孟村人父繼歿合葬欲廬墓貧不能構乃於墓側隨地居三年始返

郭九木工也僦居南門外以近市易謀生母厭其與癡弟別居九日再遺母甘旨往返二里許偶得時鮮又奉之數十年不怠妻亦能體夫志或工作不暇代之饋仰承色笑母每稱佳兒佳婦

吳大用父在田大風雨奔往扶歸風雨益怪父子相抱而殭妻鄭氏奉姑守節

袁敬亭字香圃事嗣母甚謹爲人轉貸嘗代償之家因以落不悔鄉人有爭輒曰就敬亭質之孚人

重修天津府志

卷四十四

人物

全

光緒戊戌

如此

張靜堂父疾奉侍不離既亡廬墓忽心動趨至家母尹適暴病後遂令弗離母亡慟哭咯血或授以方服之愈遂刻經驗方書並藥施人

閻二田傭也兄弟娶妻析居二獨躬炊奉母漸小康或勸之娶曰母老性嚴恐娶悍婦也兄弟或乏常給以粟母食餘甘必招諸姪共之

宋恩命字錫山庠生母病嘗糞後父病革屬勿析產終身遵之并不再娶

王棠武庠生代人保債代償或至典質不言

于文炳庠生幼依祖母及歿廬墓處生芝被旌

萬紹曾字魯泉父世榮歿廬墓三年母繼歿如之

六年中不閒寒暑風雨墓旁無廬舍席棚而已一

日雪深數尺若不知寒州牧旌之

案祀孝弟

頓六

六一作平

賣水人也歸必買母所喜之物已蔬食

不飽母逾八旬親爲刷洗一切起不敢晚歸不敢遲母前不敢大言遇於路必負之以歸鄰里不孝者亦爲之愧而少悛

李某設骨董肆親歿廬歿三年田僅百畝以其家塾爲義塾自行課讀不取脩脯以其園爲義園自

重修天津府志

卷四十四

人物

奎 光緒戊戌

行灌種任人割取以其牛爲義牛自行牧養聽人驅使子鈞先殤無後

林二室如懸磬惟敝屨十餘兩度高處人問之泣然曰父所著見屨如見父也終身對屨如事生

楊天德伯父出塞久不歸父長齡思兄切天德貨產往尋閱二年遇於鐵嶺伯不願歸而漫應之遷延又三年乘其出不謀而他適天德慟無以見父行人蒙古境途遇蒙古母女二人爲賊劫救之遂妻以女半載又出尋伯染疫歸死於烏拉父以思兄及子死其妻王求兄王某探之至其處見蒙古

婦方撫屍哭視之卽天德也其兩妻並有傳見列女

孫廷諮字虞相服賈養母撫三弟成立母葉臨歿屬以同居勿分後子姪亦與俱化一門六十餘口
離離如也從子杏甲騰甲孫尙珍俱入洋

李復白字師箴庠生事繼母于氏孝異母弟勝文入軍營咸豐癸丑從征粵匪歿於陣不遠千里尋得骸骨

楊千祥咸豐二年攜子隨父刈麥驟雨大雹解衣蒙父首更以身翼蔽之掖以行子哭不顧巨木多

重修天津府志

卷四十四

人物

畝光緒戊戌

推三人竟無恙

杜詠南字蔭名父兄期其有成不令操農每自塾歸輒代作苦揮之不去人有爭競事排解無不消釋合村十餘年無訟父母歿哀毀盡禮服闋以田宅歸兄而已授徒餬口入庠後食餼咸豐壬子中副車不仕仍授徒卒年五十六歲子五人蔚舉人任新樂縣教諭芬芸藎俱廩生

任兆乾父紹芳老苦貧兆乾長貿易得利盡奉父兄父先因生母杜氏孀母袁氏苦節無力請旌焦思成疾至是得遂志享孝養迨歿兆乾將殉母泣

日爾兄無能爾死予何依乃勉從母事兄如父爲之擇配嗣嫂亡遺子女撫育如己子卒年八十一

歲

案此與上靜海
複未審何處誤

王廷莪武生繼母虐完婚卽被逐十餘年後復召入父歿繼母生兩弟幼好博終不悛繼母遷怒復逐廷莪屢率媳女跪乞復入終不許遂異居後家旣落至磨麵爲生仍養繼母始得悔悟

王夢成父好博輒數日不歸每飯往請數次不應則以甘旨送往候食訖始退債急或糶粟或傭工得錢以償始終弗懈

重修天津府志

卷四十四

人物

奎 光緒戊戌

劉清樑字健菴勤儉起家爲善若不足整火會徒集場文廟文昌閣福德祠捷地橋于家莊橋竝爲修整復於捷地多購石柱以備再修於于家橋捐田十二畝以資歲修費道光四年潦災設粥廠費用萬金自嘉慶二十年後計共煮賑五次他善事難枚舉加遊擊銜以報功也初無子年五十五連舉二子卒年六十八子鳳巢殉咸豐癸丑之難時有劉元興家貧而好義清樑諸義舉皆元興佐之任勞怨務使實惠及人州人共旌其門

董清標字立軒監生母歿哀毀盡禮養贍三姊從

重修天津府志

卷四十四

人物

奕光緒戊戌

兄弟九人家俱中落代贖祖遺地十二頃以資生
道光十二年旱倡義捐賑十三年又水災遂自出
穀千石十八年重修文廟咸豐三年修城募勇俱
爲首倡至建橋梁修廟宇義渡書院諸善舉指不
勝屈均不請獎方三年粵逆過滄土匪蜂起知州
陳鍾祥持法嚴峻獲形迹可疑輒斬清標以事關
性命多所救正戒濫殺年屆七旬盡焚貸券張太
守旌以急公好義納制軍旌以品重圭璋卒年七
十二其時同志捐輸者道光閒則王大慶馮養靜
呂中箴郭開基楊清皆助賑得獎咸豐閒團練捍
禦則楊清蘭之清張稅棠竇紹奎程毓藻又此五
人皆因稍後預於同治七年之禦捻亦各自有義
舉案崇祀忠義者
獨有下滕德厚

滕德厚字樸菴監生家富好施義舉多端咸豐三
年粵逆之亂捐資築堡捍禦得力同治七年捻賊
之亂復與兄召棠出資倡團練數十村賴以保衛
大府疊奏獎以都司銜賞戴藍翎公送匾額

于昌耀咸豐己未貢生寡母病禱天請代母性嚴
嘗怒長子失學昌耀長跪請代兄受責怒息乃起
母卒茹素三年素服終身與兄奎耀弟惠甫友愛

怡怡如也至老嘗共食光緒元年七十一歲無疾坐逝州人以孝行上請奉

旨旌表建坊入祠

俱同上
案祀孝弟

劉伯蒸號雲章庠生父鈐元病親侍湯藥衣不解帶弟五人有過必飭之平時則怡怡時州志久失修董柯亭方旋里致書俾任之董感其言開館蒐羅百餘年文獻存者其力居多秋闈七不第詩文隨手散去無存壽六十二歲卒

采訪
冊

聶守亮韓氏佃也主家火逼殯宮眾遑遽無策守亮曰此非拚命不可以被濡水覆身冒火入結繩

重修天津府志

卷四十四

人物

宅

光緒戊戌

於棺呼眾曳出之守亮焦頭爛額兩月餘始瘥

吳兆魁字夢占孟村回民也於王寺鎮飯店拾遺

金一裹守候良久無覓者謂主人曰如有覓金者當令相尋旋有隋邦彥造門以請卽慨付之酬以金不受隋感其義書拾金不昧額其門

袁澍磚河營兵丁也鄰鬻女號慟聲震澍方領餉卽贖之又倡率捐助俾存活

趙璧戴姓僕也主家中落貧不能畜璧乃傭於他家得錢悉以養主人世稱其義

楊允達字鍾明中年小康捨藥三十餘年不倦

高恆足鄰人貧鬻女爲贖還之又有貧將鬻妻者周以資保全之

邢秉坤鄰婦素勤慎夫待之暴婦抱布赴集失之哭欲覓死秉坤卽予以布值婦得無事魏姓寡婦貧將鬻其子女而改適秉坤厚周之子女無恙婦得以節終

張慶父懿行患癱瘓苦病卧恆負父遊行遠則推小車載之又作大被伴父寢飲食漉便悉躬親之父歿廬墓一日忽心動急至家母適暴病亟治乃愈母歿復廬墓厯四年廬因雨壞始歸

重修天津府志

卷四十四

人物

宋

光緒戊戌

孫模山事母孝同治七年擒匪擾奉母逃母病卒冒險扶柩歸朝夕號泣勺漿不入口擒匪又至人皆逃獨守柩不去終三年喪夫婦不交言有孀祖母飲食必親奉祖母疾累月衣不解帶旣歿居喪如母喪俱同上

王際期字元會滄州廩生寄居鹽山之韓村事繼母以孝聞與弟極友愛好施予弟病危死復蘇謂家人曰兄孝友達天子孫必獲善報矣後孫鴻果

成進士曾孫人驥人麟皆領鄉薦

鹽山縣志

張賜甯字坤一號桂巖官江南通州州判博學能

詩工畫晚年畫益進困益甚而品亦益高篤友于畜弟姪終其身卒葬於揚州子百祿百穀從子百揆孫振等皆能承其家學

津門詩鈔

孫德有字懋園廩生事親養葬盡禮贍濟親族舌耕無餘貲好為詩吐棄凡庸自成一家著春草軒

詩鈔六卷 宋訪冊

王桐字毓東號怡園性孝教授多所成就善古文

詩歌著有怡園詩文集二卷孫益謙字虛谷別號

卧雲山人貢生能詩書畫

王國鈞字月坡號侶樵與兄國維並孝友工詩尤

重修天津府志 卷四十四 人物 堯 光緒戊戌

好義勤於搜訪金石續州志金石一門國鈞力居

多著有客旋草一卷時同以著作稱者有閻符清

劉鴻儀諸人

李錫章字仲文庠生成豐三年粵寇至負母王氏

避亂數十里外後董友筠于光褻等同集滄城殉

難錄一書采訪尤為盡心八年津沽告警辦團練

經大吏保以訓導選用而疾已不起

楊岷源字怡夫號筵樓事父與繼母以孝聞同治

壬戌貢生著有古文一卷野籟草古近體詩二卷

卒壽七十歲 俱同上

卷四十四終